




207



小畜集
五



Inches 1 2 3 4 5 6 7 8



Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black






王黃州小畜集卷第二十一

為宰臣上尊號表

內外文武臣寮臬官趙其等言本月二十一日共千天
聽別上尊名奉宸翰以未俞慮精誠而不至戴天甄日
猶懸億兆之心伏閣叩闈寧避再三之黷謝臣等聞運
行四時者惟天之日照臨萬國者惟日之明天下宰其
玄功而有蒼旻文號日不曜於揚德而有畏愛之明是
以居廣大而罔辭處貞明而弗讓蓋功德著乎上而名
號隨于下矣前王後聖茂實英毅取譬于茲其則不遠



伏惟皇帝陛下繼天而王如日之昇靜則垂堯舜之衣
震動則使武湯之旄鉞明堂制禮走玉帛於萬方宣室
崇儒煥文章於三代候氣而八風從律陳詩而萬物由
庚既理定以功成尚宵衣而旰食早以兆民愛戴郡后
推崇率由白章共上徽號陛下讓不得已俯而從之蚩
百姓同歎方諧歸美而一人善下終恐近名昨者法天
道以流謙敷王言而如綽謂大道不器何假先天之言
謂聖人無名便惟睿之說盡除尊號頗駭群情臣等已
奉詔靡遑再章請復陛下過防滿假終未允俞守謙卦

之六爻動而无悔太湯書之七號卑不可踰遂使中外
色羞軍民沮色既難移於成命乃別獻於嘉猷共傾天
誘之裏用紀日新之德著菟叶吉蚤貊同文咸願听卑
以期得請陛下迂鳳藻避猶鴻名固愈於謙光奈重違
于人欲而况皇王顯號今古彛章工則尊列圣之遺謀
光輝七廟下則称庶邦之德望成服八荒凡在含生共
觀休烈豈可執勞謙之小節廢立極之大名居軒昊之
至尊慕巢由之獨行此臣等之所未諭也陛下之所不
取也臣等不勝大願敢固請上尊號曰法天崇道文武

皇帝庶得相順謙冲之日惟新徽懿之名免茲聖朝有此闕典跼天踏地固敢自安碎首靡軀期于必逮臣等死任區區懇迫之至

為宰臣謝御書錢樣表

臣等伏蒙聖旨賜御書三体字樣錢十貫文者以五銖新樣貨泉將布于人間三体成文筆札互彰于天縱出爐野而首蒙頒賜冕旒而共積兢榮伏惟尊號皇帝陛下以道極至玄學探衆妙宸居多暇書九府之錢刀御筆摘華奪三辰之光彩尽真州歐行之法在方圓肉好

經鉅堂校錄

之中通流將遍於溥天固殊當百錫賚先需於近伍其數旦千臣等傳玩為榮收藏至寶荷天光而悚惕對聖作以兢慚臣無任

謝賜御製逍遙詠秘藏詮表

臣等言伏蒙聖慈賜臣等御製秘藏詮逍遙詠共四十一卷者伏以竺乾天之教所以祛色相而如真老氏之書所以去滋章而務清淨大不過四句偶多不出五十字始則殊途而同歸終則枝分而孤列泊乎濱三乘於貝葉文字漸多編三洞於瑤函筌蹄逾遠縱人十而已

百奈暮四以朝三自非上聖之才孰立不刊之典發揮
教法允屬文明伏惟聖號皇帝陛下思妙心遊赤永因
民設教与天比榮和凡其神建皇天有極恭默思道
念釋老之多歧于是詮註微言諫諍至道撮其樞要闢
戶牖于法門攀其菁莪芟蕪穰於玄圃示方机之多暇
表三教之精通定可以指迷悞於群生扇穆清於四海
豈比夫劉莊蕭衍但多佞佛之心漢武秦皇空作求仙
之術自合鑄諸玉簡藏在多山將日月以同懸与鬼神
而爭奧傳于不朽垂之无穹臣等謬列詞臣躬承聖教

被教天之雲霧已竟濡身听舜殿之絃歌共知忘味謹
當披持讀誦忭舞歡乎少遵善誘之心庶助兄為之化
臣無作

為宰臣謝賜御製詩表

臣等伏蒙慈宣賜喜兩詩共三首者天時早嘆聖慮
焦勞玄穹忽降於霧霓睿藻遂形于詩詩首蒙宣示共
極歡榮伏惟尊號皇帝陛下軫念三農精心六義自春
徂夏消致愆陽以日繫時不忘善禱諮近臣而遍走群
望御便殿而親錄縲囚聖感玄通天心昭答潛驅屏翳

舒張東岱之云暗使豐隆槁繫南山之鼓連宵泛洒率
上昭蘇早稼勃興豐年可望緣聖情而有作奮卿筆以
成篇帝庸作詩高視康哉之詠上以風化遠追皇矣之
詩燦然三章誕敷由海深形教誨特有宣傳台衡宸宸
之銘彼可膚淺白雪陽春之句空銜清新臣等救旱功
微賈詩調下鏤于肌骨敢忘作誠之詞播在管絃願導
移風之德臣無任

為宰臣謝新雕三史表

臣某等言伏蒙聖慈賜臣宰新印本三史書各一部者

經鉅室校錄

伏以先帝好文校仇三史諸儒議繇歷兩朝模印方行
頌宣首及謝伏惟尊號皇帝陛下心存稽古志在奉先
念五帝三王之書具存道德思列國刃漢之事可鑿見
典止觀真本之初成先近臣而受賜欲俾詳觀理亂起
發昏蒙臣等素匪知書仰承善誘敢不服勤田史少副
聖懷庶竊慕于格言或有裨於大政臣等无任感天荷
聖激切屏營之至

謝賜御草書詩表

臣某言今月五日伏蒙聖慈賜臣紅綾上御草書起遐

南亭絕句詩一首絳綃半幅霞舒舞鵠文之宸翰玉行
 雲遶迴鶻之勢天恩曲被凡目榮現佩服戰競神魂飛
 越謝伏惟尊號皇帝陛下書宮八法學洞九流英斷睿
 謨運元功而多暇飛孜翰縱州聖以為娛閑裁浙水之
 綾麥馮渭南之句宮中刀尺剪雲霧於赤城笔下風雷
 走龍蛇於碧落遍令中使宣賜近臣豈期鎖材亦預宸
 眷捧持夾次傳玩增輝忻千載之遭逢極一時之榮遇
 讀盡二十八家列宿韜光宣來三十六宮天香尚在豈
 止藏于篋笥亦將傳付子孫堪笑二王非墨妙筆精之

作如逢伯寓得金簡玉字之書感恩空枝于涕洟受賜
 更銘于肌骨臣無任戴天荷聖激切屏營之至

謝御製重午詩表

臣某等言伏蒙聖慈宣賜御製七言四韵重午詩一首
 者天有四時成聖功也八節所以宣其氣詩有六義繫
 王化也二南所以變其風至若運陰陽亭毒之叨達雅
 頌盛衰之理不失其正斯惟聖人神伏惟尊號皇帝陛
 下運應一千啟昇平之嘉會節當重午樂長養之玄功
 形于詠訶播作詩付特令中使宣示詞臣降鳳閣以光

輝播魚須而抃舞仰窺首句如當帝舜之熏風戴味卒
章仍念屈原之貞魄教化以被忠邪以分又何止述浴
蘭懸艾之文逞白雪陽春之麗而已哉臣等賤掌叨誥
才謝言詩獻尚書而諫諷無聞徒經嘉節學禹騷而淵
深罕究但拜宸章願揚治世之音永作傳家之寶无任
戴天荷聖歡呼抃蹈之至

陳情表

臣某言臣聞政過自人臣之晚節弃瑕責效之者人之
舊章謝伏念臣近自冗負再叨諫署秋蘭解佩重呼澤

經鉏堂校錄

畔之魂紅葯裁詩不望禁中之樹固當老於小諫日赴
常叅其如親寄解梁身趣魏闕四海无立錫之地一家
有懸磬之憂以臣僕馬龍鍾雜于丘祝弟兄分散迫于
飢寒若非內受賤名賜之寔俸外求差使以救食貧則
曷以奉高堂垂白之親上固燃金之貴望雲就日非
無恋闕之心玉粒桂薪未有任京之計伏望尊號皇帝
陛下念臣過而能改進亦因人或西垣再命于溟綸或
東魯且令于承乏唯中外之二任繫君親之一言干冒
宸嚴臣无任僭越兢憂悃悞待罪之至

謝免和御製元日除夜詩表

臣等言伏蒙聖慈特降御製元日除夜詩四首仍令和
來臣等尋時連狀乞元和今月七日伏奉恩旨特賜
俞允者聖文絕唱凡道听卑雖違善誘之心本獲知難
之請伏惟尊號皇帝陛下五行為質六義游心樂天地
之玄功旧皇王之睿蒸笔无停綴夜乃未央煥乎四章
降於三館耀日月星辰之彩發金石絲竹之音思入杳
冥乾坤无以逃其数辞色造化鬼神不能隐乎情其元
日之句也藻繪王眷悅万物之資右其除夜之句也發

經鉏堂校錄

藻揮天吏迷四序之成功固宜随歷教而頌于華夷与
法今而懸于象魏俾夫薰絃播奏散為化下之風蒼玉
雕鐫秘作升中之典至若周滿黃竹之詠漢高天風之
歌唐太宗守歲之詩陳叔達初年之作義皆无取事不
足徵又若除夜藏鉤正朝放雀真為兒戲豈近皇猶遍
數前王寔多慚德臣著文館待罪朝行具員幸觀四始
之根源徒荷千年之除遇然而对燭龍之術耀難炫螢
光當鳳彩之表儀頊藏雉尾共思閭笔同樹降旗方傾
宸感之誠果降矜宥之命豐隆門下免為聚響文蚊莊

叟山中甘作不鳴之鴈臣等无任感天荷聖激切屏營之至

賀正表

臣某言伏以元正首祚景福惟新敷奠英於瑤階初生一葉獻椒花於漢殿齊列千官式彰負宸之尊大祝如山之壽伏惟尊號皇帝陛下業隆三代道冠百王和玉燭以授時立功克著振金鈴而狗路春令夏行當三元資始之期見萬國會同之盛方物充庭而膏至上公獻壽以鳧趣日照冕旒觀垂衣之肅穆風和象魏陳懸法

經鉏堂校錄

之威儀詎遺率土之濱同樂履端之候膺乾納祐与天齊休臣濫奉朝恩叨權郡印思預華封之祝方遠庭新頌義氏之書空驚素髮但荷發生之德莫酬煦育之私臣无任祝聖戴天并蹈觀呼之至

謝曆日表

臣某言今月四日進奏院遞到宣頭一道伏蒙聖慈賜臣至道二年新曆日一道者天春秋肇啟日官爰奉旧章帝俞遐宣守在頒於新曆臣某謝臣聞以天道无私所以運行寒暑聖人有所以恭授民時作章令率土之

濱共樂同文之化伏惟尊號皇帝陛下五行爲質萬國
咸寧星辰即序於堯天風雨弗迷於舜麓御明堂之一
十二位克正陽之運濬玃而三百六旬无差畧刻煥乎
正朔被于華夷臣謬典魚符啟開鳳曆以時以日敢匪
懈之心卜世卜年更仰无疆之祚伏限郡政不獲奔詣
闕庭无任感天荷聖激切屏營之至

進端拱箴表

臣某言臣聞宣尼立教陳五諫以訓民天子設官命七
人而庭諍欲嘉言之罔伏致盛德之日新中伏惟尊號

經鉏堂校錄

皇帝陛下志在任賢動必師古大開言路精擇諫臣改
拾遺補闕之名設司諫正言之位必須端士方稱美官
臣且何人亦當此任三月中伏奉明詔用訓庶僚於中
兩省之班行有異百官之督素必容謬諤無取因復是
時臣方議迎親以階告陛下矜其貧老錫以緡錫恩麻
曲被于一家用度有充于千里臣曾為縣吏每督民租
為尺布斗粟之通行減再鞭刑之法因如府庫皆出生
靈空有淚以感息慙无功而受賜拍丹再趨象魏時見
冕旒美沉書殿之資久蠹太官之膳曾无績効空玷清

華且官在諫垣未嘗有一言裨補賊當史筆未嘗有一字列修語所謂飽食終日无所用心者臣之謂矣思欲奔諫諍之賊言朝廷之事則陛下聖德昭被神功著明四輔无私而秉大鈞百姓不知而歸至化君何是哉臣何言哉然後安不忘危理不忘亂靡不有初鮮克有終古聖賢之深旨也故夏后有盤盂之銘周王有几杖之誠敢徵斯義用道愚衷臣又嘗讀唐史見貞觀中張蘊古上大寶箴辭理切直太宗深加稱賞為臣雖不才願繼美其謹味死謾端拱箴一首固不足裨益明全万分

經鉅堂校錄

之一亦臣之幸也隨表詣東上閣門跪進以間干冒宸嚴臣无任僭越待罪之至

謝賜御製月詩表

臣某等言今月十六日伏蒙聖慈宣示中秋月五七言詩各一首仍令依韵和未者月盈三五明天道之无差運偶一千見聖人之有作虫听賡歌之念終降寡和之詞傳玩為榮捧持失次伏惟尊號皇帝陛下精心六義思若湧泉銳意方机居多暇日当中秋之屆候玩素月之流空罷現乙夜之書乃吟清夜裁觀如圭之狀思繼

白圭燦乎二章大載四始頌于近位得逐榮觀蚤酣海
睿旨效星辰之北拱起揭丹心誦烏鵲之南飛終慚雅
詠頌瓊玕之難掩諒尤悔以何外臣等無任謦時樂聖
榮俱激切之至

謝賜御書字樣錢表

臣某等今月二十三日于李士院分賜得御書三般字
樣淳化元寶錢者洪炉新樣通行將變萬方御笔橋華
於神妙互分於八体頒宣非次傳習知榮謝伏惟尊號
聖帝陛下苗意貨泉心筆札書紀年之大號用煥于錢

神逞上聖之多才爰彰墨妙盡返鵲迴鸞之法掩天龍
地馬之名莊山之金重齊重寶開元乾元之字莫从神
蹤將大濟於兆民仍分霑於兩制臣等名慚夷甫才謝
魯褒寔趙囊而空荷君恩探禹穴而難穹聖作周太公
之圖恣自合也羞歐率更之笔精從掃地永言感遇空
極兢榮臣等无任

單州謝上表

臣某言今月九日言曹州進奏院通到劾一道伏蒙聖慈
就差知單州軍州事兼賜錢五百貫祇荷于寵榮不任

感懼臣已於今月十七日到東州上訖乍別天庭初臨
郡印賜賚頗厚恩榮寔多謝伏念臣本乏才名素先門
地徒偶文明之運濫登俊造之科升朝便忝於諫垣效
職仍叨於綸閣常罹罪譴永合弃捐仰穹昊而方類戴
盆遇慶赦而遽收墜履官復兩者之列職居之館之先
俸厚於他司班清於庶品固合優遊仙館耽玩群書常
依日月之光時貢萬葉之說詎唯卒歲亦可終身昨以
臣父將作監丞致仕某足疾嬰纏年光遲暮向因謫宦
深入穹山常恐此生不歸故里自叨赴闕頗更思鄉蓋

經鉏堂校錄

為衰羸動多悲感有孫兒不識面目有子孫未接笑言
分俸則桂玉不充聚族則京師難住近聞館殿亦有遺
差頻發家書令求外任遂瀝事親之懇以于治之朝
伏蒙尊號皇帝陛下義在從人恩推眷老假之符竹惠
以緡錢居二千石之權已為望外受三十萬之數賜寔
自宸衷感深而淚溢詔書恣極而魂飛帝闕即時赴郡
不日迎親本州以臣叨奉新恩言承旧例亦將歌樂遠
出郊坰臣先以文書並令止絕蓋以墜麥未秀村民尚
飢當帝王盱食之時非長吏自娛之日庶凡率下不是

近君况臣早忝掖垣每親疏宸帑憂勤之旨飽聞淳
俠之事足以宣揚聖訓導屬吏此外門詳評案牘精
究簿書虽管庫以必親庶狴牢而无枉幸迺官諤用報
全知且念親民之官自古所重凡今共理亦曰難才張
齊賢罷自白司止知亦兆辛仲甫出沒叅政方莅宛丘
虽小大之不同在郡國而无異唯臣此任最是殊恩十
一年前始為成武主簿九重天下曾是制詔舍人望旧
官而雖隔雲泥過故邑而亦為榮遇所恨者忽離侍從
莫遂朝辭寔非臣心輕去輦轂但以臣父苦念丘樊慰

經鉏堂校錄

懷王之心晨昏有遂望拱辰之列涕泗無漫伏惟陛下
少減蕉勞俯加頤養至于堯水湯旱歷數之常文丹浦
青丘征伐之彛事佇見斬繼迁於獨柳送蜀寇於檻東
示天下不用干戈驅域中咸歸富壽然後鳴鑿日觀降
禪云亭追蹤於七十二君探策而萬八千歲此際臣之
本郡寔有行宮倘得導引皇輿掃除御路撰礼天之書
册維匪賤司對盛德之形容敢息歌頌臣無任

進乾明節祝聖詩表

臣某言聞天道化成分八節而運行元氣聖人降度膺

千年而開闡洪圖誕既偶於嘉辰祝壽乃名於聖節照臨之下儔願攸同臣某謝竊以漢感赤龍晦雲雷於大澤周因玄鷲帶弓矢於高禩符瑞之來今古相望伏惟尊號皇帝陛下二儀叶德九廟儲祥于時而里社方鳴是夕而常星不見孟冬建亥爰日在房紫電繞樞式表自天之命青雲如蓋爰標出震之期當睿聖之繼天以乾明而侑節千官上壽萬國來庭傑佻兜離鑑越樂懸之下鬼侯梅伯歡呼文陛之前駿奔競効於祝堯宴樂且殊於在鎬臣戇叨三館位列丹墀听九奏之簫韶欣

經鉅堂校錄

因鳥獸獻千鍾於堯舜幸接夔龍舞蹈之餘詠語斯發謹上乾明節祝聖壽古詩三篇合七章、先定句篇有小序稍殊俗態似近古風虽播在樂章慙非風雅或語於春酒可代俳優冒黷冕旒臣無任

謝衣襖表

臣某言今月十七日供奉官閣門祗候景元到州伏奉聖恩賜臣衣書一道紫歌正綿族襪一領者臣當時与官吏軍員將校等望闕謝恩訖遠降主人遍頒時服捧如綸而增懼對挾縵以知榮謝伏念臣素之藝文猥塵

清近虽罷金盞之戕尚分銅虎之符而自移理藩宣始
踰甸浹莫著袴襦之詠空慚周療之民此者伏道尊號
皇帝陛下政宵衣思加露冕特有初寒之暘俾無卒歲
之虞開絨併集於榮光宣詔更增於和氣飾之瑞獸空
傾率舞之心徵乃維鷄難免彼已之刺伏限權司郡事
不獲躬拜闕庭臣無任

滁州謝上表

臣某言奉五月九日制命伏蒙聖慈特授臣守尚書工
部郎中知滁州軍州事已以六月三日到本州上乞罷

經鉏堂校錄

直禁中臨民淮上雖離迫侍猶忝正郎省已戴恩既榮
且惧臣某謝伏念臣早將賤跡誤受聖知進身不自於
他人立節惟遵乎直道優游兩制出處八年今春召自
西垣入叨內署既在深藏之地仍當繁劇之權積兢虞
終無補報所宜遠貶以肅具寮伏蒙尊號皇帝陛下曲
念遭逢俯存終始正罷王堂之戕仍迂粉署之資委以
專城置于近地沿流敷由登陸三程諸縣豐登若無公
事家一飽暖共荷君恩處之一生寔為萬足然而翰林
學士朝廷近臣陛下登位已來御前放人之後從呂蒙

正而下拜此賊者止有八人臣最孤寒亦預其數言於
聖選不為不精數月之間忽然罷去衆情尚或驚駭微
臣豈不憂惶且臣在同庭一百日間五十夜次當宿直
白日又在銀臺通進司審官院封駁司勾當公事與宋
湜呂祐之閱視天下奏章審省國家詔命凡于利害知
无不為三日一到私家歸來已是薄暮先臣靈筵在寢
骨肉衰經滿身縱有交明無暇接見不知謗議自何而
與臣拜命已來通宵自省恐是臣所賃官屋在高懷德
宅中一昨開寶皇后權厝之時便欲移出未有去處甚

經鉏堂校錄

不遑寧尋曾指約公人不令呵喝切恐貴僧出入中使
往還相逢之間難為頓按揖制自左右正言已上而謂
之供奉官街衢之間除宰相外無所迴避此蓋賈誼所
謂人君如堂人臣如陛、高則堂高者也况臣頭有重
戴身被朝章所守者固之禮容即不是臣之氣勢因茲
謝表敗達危誠况臣粗有操修素非輕易心常知於上
足性每疾於回邪位非其人誘之以利而不往事匪合
道逼之以死而不隨唯有上天鑒臣此志伏望陛下思
直木先伐之義考衆惡必察之言典与保全俾伸誠節

則孤寒幸墨儒甚知歸在於小臣有何不足今則隋岍
千里堯天九重微軀或遂於生還勁節尚期於死所臣
無任

謝加朝散大夫表

臣某言今月十八日進奏院遞到勅除一道伏蒙聖慈
加臣朝散大夫者禮成太祀澤霈百僚豈期即吏之卑
亦從大夫之役臣某謝伏念臣猥因薄板獲偶昌辰自
忝文科累叨華貫數年綸閣徒勤潤色之功百日玉堂
詎有論思之効而自身離近侍官帶貴詞既別白以無

經鉏堂校錄

門但憂危而度日此者伏遇尊號皇帝陛下圓丘展禮
率土推恩特加五品之資俾壯一麾之任况臣早叨書
命備見旧章每當行慶之時必考授官之限未滿二載
列增五階率以為常行之自久臣去年五月出戡今年
二月加恩承奉即陞級未崇朝散陪廷陞不次必是上
由睿聖旁出諧僉以其曾作近臣不欲便全常例永言
感遇空極涕洟遂使死灰之心稍生於寒燄戴盆之首
亦見於天光誓損微軀以答鴻造死任

謝賜聖惠方表


臣某年言今月二十五日進奏院遞到太平望惠方并
目錄共一百一冊臣等當侍望闕謝恩仍依勅命施行
訖臣等謹按洪範嚮用五福其三曰康寧威用六極其
日疾然則疾病之作蓋又之威沮邪康寧之集蓋天之
勸嚮邪此特立教而言姑欲驅人為善苟或飲食嗜慾
之不節陰陽寒暑之不時為札瘥為沉痾為疢贅為疖
瘍若此之類縱而弗攻委之干極非聖哲之所用心也
故匠術由是而生焉自黃帝岐伯以還作者衆矣以至
鼓乎无條貫浩乎无津涵恩欲囊括古今派分類例泰

經鉅堂校錄


驅百疾稽合群方惠于兆民敷乃萬國非偶大聖孰能
與之臣某謝伏惟尊號皇帝陛下惟睿作聖有孚惠心
包天地之大德群生用不遂奉皇王之能事隆典罔不
修謂人之未庶也制婚姻以育之謂人之未富也薄賦
歛以足之謂人之未教也施道德以化之又欲使五福
之康寧偏流比屋六極之疾病不加蒸民于是召良医
考異術集自朱邸逮于紫宸凡三十生成一百軸洞乎
天人之際探諸鬼神之奧製述引以述其事為模印以
行于時大頌四方復出方有昔玄宗之廣濟德宗之廢

利皆叢判眇未不足称道尚具載史籍垂于後冕以為
莫已若也况陛下之術作功叅化源天下之惇贄身躋
壽域虽復造書画卦鑽燧揣時不可同年而語矣宜乎
与日月同睎与經籍共永豈區區小郡碌碌下臣能語
頌与聖德歎當州地居僻左路遠京師授勅數年引頸
以日累使郡吏請于有司始蒙頒宣盖行次第而又今
冬以來天氣稍早過始冰之候河無薄漸喻小雪之期
野無微霰頗慮瘴癘害于民人俗宰名匠病則祀鬼分
憂之任求瘼是專方虞後難獲此大齋謹當抽俸金以

市葯給官本以救人資聖祚于無彊流聖惠于不朽盡
納淮甸歸于華胥悽悽之誠如此而已臣等無任云云
遭時樂聖抃蹈之至



王黃州小畜集卷第二十一



王黃州小畜集卷第二十二

賀南郊大赦表

臣某言今月二十日降到赦書一道南郊禮畢大赦天下者臣當時集軍州官吏百姓僧道宣讀施行訖嚴父配天王者之達孝青爽肆赦有國之大猷凡在群生罔不同慶臣聞有虞尚乎德祖顓頊而宗堯周人重其先帝帝嚳而郊稷沿革之文則異祠祀之義斯同率由舊章茲曰大事雖天子必有尊也非聖人孰能行之伏惟尊號皇帝陛下司牧黎元敦崇孝治言有父也宣祖昭

武皇帝積德而累功言有兄也太祖神祖皇帝開基而
自下武繼志守文則難化成而日用不知寅畏而夕惕
若厲故得昆虫咸遂戎狄允懷文物聲明損益乎三代
道德仁義寢染乎萬民有是聖功於天地有是聖德讓
德於祖宗乃倫嚴禋肆伸大報禮樂具卒豈三年之不
為玉帛載馳見四海之助祭列聖至上帝格恩錫鴻
休於無疆明大孝之不遺禮成而退天且不違自非吉
歟之誠達于上下孝悌之至通于神明孰能若斯其盛
歟由是因純嘏之休覃雷雨之澤謂萬方有罪于是乎

經鉏堂校錄

釋縲紲之人謂百姓不足于是乎危逋逃之賊照燭幽
壤滌蕩瑕玼順天推恩與物更始詩不云乎不人有慶
絰不去乎萬國惟心自可追王王而比崇非止黜五伯
而不用者矣臣出官內署承乏專城既不得陪冠劍之
班行俎豆之事舞拊於黃道登降於紫壇又不得湧非
烟之詞嚮甘露之笔蒸給於王冊蕝揮於皇謀亦臣之
不幸也然而當求治之朝居分憂之任得不導揚允澤
訓戒齊民瘵其瘡痍浸入骨髓亦臣之大幸也伏限郡
事不獲奔諸闕庭臣無任

賀冊皇太子表

臣某言今月二十八日降到赦書一道皇太子正位儲
宮大赦天下者臣當時集軍州官吏僧道百姓宣讀行
訖禮崇儲副澤被華表凡在舍生罔不同慶臣聞帝王
之道步履殊途夏后所以傳家垂諸古典姬昌之為世
子載于禮經皆所以定人心而固國本矣由三代而下
寔百王不刊洎乎唐室更分梁朝州創莊宗則席未遑
暖明宗則日不服給綿聯五姓戰伐百年重念春坊遂
成闕典我太祖神德皇帝揖讓神器司牧黎元捧上聖

經鉅堂校錄

之才副下民之望人神允屆獄訟攸歸伏惟尊號皇帝
陛下傳自日無升為天子德化威伏垂二十年文物声
明尽合經義禮樂征伐不自諸侯始求主鬯之親用正
副君之位斯孟軻所謂天与賢則天与子則与子者也
伏以皇太子生知忠孝性稟溫文允符當璧之祥宜王
撫軍之重筮龜叶吉簡冊增輝而又春游雷之声因而
作解導少海之潤用以滌瑕必由旧章降此大賚綸綍
四出控宇一空率土普天不勝慶幸臣出官禁署承乏
方州日不覩朝廷之儀手不當文翰之職雖違素望實

偶昌

伏限郡政不獲奔諸天闕臣無任

謝落起復表

臣某言今月五日進奏院進到勅牒官告各一道蒙恩落起復援臣依前尚書工部郎中知揚州軍州事仍放朝謝者表紀爰終朝恩遽至泣血罔極悼心失齒伏以三年之喪百王不易墨緣急用本因將師之臣朕經從

經鉅堂校錄

公罔叶春秋之義臣頃帑逆職方執通喪斷恩勉副於鴻私違禮重違於素志消波无効空增覲冒之顏日月有期俄卒禫祥之制此者伏蒙尊號皇帝陛下奪其旧典推以新恩俾除抑奪之名典尽哀榮之礼援琴切庸豈忘於終末佩玉鐸班尚遠于就日伏限權司藩服不獲奔詣闕庭臣無任

賀皇帝嗣位表

臣某言伏奉四月一日赦書皇帝陛下度膺頤舍嗣守鴻苞人神有依華夏同慶伏惟陛下奉先思孝克已歸

仁承列聖之貽謀作兆民之司牧重明繼大明之照先
被遐陬少海成百谷之王澤流品彙肆赦渙汗万邦底
寧臣逮事先朝嘗叨內署荐進聖日權守外藩不獲踰
舞玉階无任抃躍屏營之至

謝轉刑部郎中表

臣某言今月六日進奏院達到勅牒一道官告一通伏
蒙聖慈特授臣尚書刑部郎中散官勲賜如故仍放朝
謝者

聖澤大齋即曹序迂聞命若驚省躬知幸伏念臣頃因
薄技逮事先朝誤記姓名遇有獎擢兩知制誥一入翰
林報國之功雖无績効事君之道粗守貞方虛名既高
忌才者衆直道難進黜官亦多始賤商於寔因執法後
出滁上莫知罪名大行皇帝漸察非辜移領大郡方且

精求民瘼少報君恩期幸復于詞臣再茲揮于王命不
尚上方降材先帝登遐奉諱之辰號天罔極不得趨朝
夕之臨无以為臣子之心淚如絞靡悲人骨髓伏遇皇
帝陛下祇奉頌命欽承慶基荼蓼之情既遵于易月蓼
蕭之降遂洽于溥天爰自起曹陞于憲部望金臺之殿
誠隔烟霄入白雲之司亦非冗散得恪居官次虔奉
詔條諭淮海之遺民識朝廷之新命無及黷積薪之歎
有子矣志闕之心感慨旧思追惟往事西陵目漸泣血
難收東海日昇傾心更切伏限權司藩服不獲拜賜玉

經鉅堂校錄

堦臣无任感天荷聖激切屏營之至

賀冊皇太后表

臣某言伏覩四月一日制書冊皇太后礼畢者子道大
備母儀有光伏以皇太后德配先朝功存内治遇坤之
泰叶易象之休徵在河之洲動詩人之雅詠克昌聖嗣
續服空圖爰旌十乱之功乃正萬郊之母祇膺玉冊誕
受尊称舜孝蒸漢儀穆問安侍膳載趨長樂之宮
舍治弄孫永鎮顯親之殿臣限拘官守不獲蹈舞玉堦
無任抃躍屏營之至

賀冊皇后表

臣某言得進奏院狀報五月二十四日制書秦國夫人
 立為皇后者中宮正位率土同歡臣聞軒轅四星上明
 于玄象虞舜二女內助於皇風永惟王化之基寔繁人
 倫之本伏惟皇帝陛下誕膺駿命嗣守鴻圖安上定民
 動循於禮法自家形則先正於宮闈符沙麓之禎祥取
 塗山之正嫡蒸嘗是奉既逮事於先朝東服有儀更承
 顏於長樂典冊大備邪家有光臣以任假列藩獲聞盛
 禮伏限恪居官次不獲蹈舞玉階無任抃躍屏營之至

經鉅堂校錄

慰上大行皇帝謚號廟號表

臣某言得進奏院狀報今月六日勅下大行皇帝謚號
 神功聖德文武皇帝號廟太宗七日文武百寮詣西上
 閣門拜表陳慰者典章大備宇宙永安臣謹梅周禮太
 師之瞽而厥咨以作區謚又按禮記大君素服而郊所以
 以明天誅蓋子不得私其父臣不得私其君爰茲改寔
 之父用正易名之法洪惟盛典局在聖朝太宗皇帝知
 凡其神惟睿作聖功濟萬物德流八方有經緯天地之
 文有尅定禍亂之武錄其行也既如彼定其謚也且如

此又以為極大曰大有德祚宗懋建鴻名永光清廟禮
官博士討論而无異辭公卿大夫僉諧而合典故為百
代不祧之主享萬世无疆之休伏惟皇帝陛下以大孝
顯親以至公立法率由茂寔誕上尊稱太史之紀國書
有光直筆上公之讀謚冊曾无愧辭終哀且榮爰禮達
孝秩之容既肅讓之福无亨臣逮事先皇累叨近
侍流落郡政哀號國喪執戟之官既傷於疎賤如掾之
筆空入于夢魂伏限守不獲奔赴闕庭
乞賜中南山人种放孝贈表

經鉏堂校錄

臣某言臣等聞陳蕃之荐五處士名動邦家田歆之奉
六孝廉事充簡冊惟兩漢之制理於三代而同風復有
聘以安本賜之束帛听其不仕姑務優賢八月奉羊酒
之儀四時致宗廟之胙史之所記代不乏人爰屆昌期
且興隆典伏見終南處山士种放山林養素孝友修身
既聚學以誨人亦躬耕而事母龐公守道不入襄陽之
城康伯避名永絕長安之市太宗皇帝知其高尚曾示
徵求恐違白髮之親未應鵲書之命讓賜錢而不受恩
好爵以難縻今聞於執親之喪賀不能奠棺衾未具宅

死无歸臣等或忝彼交遊或慕其名節傷於貧也現茲
窵窳之憂聞斯行諸豈怯匍匐之救雖共謀分俸而未
若推恩况褒岩穴之賢敢掠朝廷之美伏冀皇帝陛下
特旌素履曲示鴻私少加粟帛之恩俾諧喪葬之礼上
則成先皇之雅意下則揚隱士之清規亦足以激浮競
之風勸孝悌之俗所繫者甚大所費者甚微比考叔之
遺美一時小惠較鄭均之義穀千古同塗干冒宸嚴臣
等无任僭越之至

黃州謝上表

經鉅堂校錄

臣某言伏奉本年十二月二十九日勅落知制誥差知
黃州軍州事者逼于日限尋即朝辞自後以改葬先臣
蒙恩給假幸獲親於遠日免積恨於終天枚杵未停征
輪靡監已於本月二十七日到州上訖乍離近侍犹忝
專城循省尤違弥深感泣伏以黃州地連雲夢城倚大
江唐時版籍二萬家稅錢三万貫今人戶不滿一万稅
錢止及六千雖久樂昇平尚未臻富庶永言春活亦藉
循良如臣庸愚曷副憂寄謹當勤求人瘼遵詔條窒塞
置訟之民束縛愴獨之吏敢言庶最庶免曠遺况當求

理之朝必為无害之政伏念臣叨司帝誥又歷周星既
不曾上殿求見天顏又不曾拜章論列時事入直則閉
閣侍制退朝則杜門讀書雖每日起屋寔經年抱疾不
敢求假恐煩醫官自後忝預史臣同脩寔錄晝夜不捨
寢食殆忘已尽建隆四年見成一十七卷雖然未經進
御自謂小有可觀忽坐流言不容絕筆夫終謗之口空
賢難逃周公作鵠鴉之詩仲尼有桓魋之難歎蓋行高
於人則人所忌名出於衆則衆所排自古及今鮮不如
此伏望皇帝陛下雷霆霽怒日月迴光鑒曾參之殺人

經鉏堂校錄

稍寬投杼察顏回之盜飯或出如簧未今君子之道消
惟賴聖人之在上况臣孤貧无援文雅修身下省附離
權臣祇是遭逢先帝但以無苟合性味隨一時出一言
不愧於神明議一事必歸於正直愷於群小誠有謗詞
謀及公士豈无公論以至兩朝掌誥四任詞臣紫垣最
忝於旧人白首不離於卿署以微臣之行已遇陛下之
至公久當辯明未敢伸理今則上国千里長淮一隅雖
叨守土之榮未免請居之難霜摧風貶芝蘭之性終香
日遠天高葵藿之心未死仰望旒宸不勝涕洟臣無任

瞻天恋聖省已激切屏營之至

謝加上柱国表

臣某言今月二十日進奏院馬到官誥一通勅牒一道
 伏蒙聖慈特授臣上柱国餘如故仍放朝謝者礼成大
 祀泽霈具寮豈期謫官之臣亦預策動之數伏念臣因
 緣薄板遭道昌辰承明四入直于廬才非潤色淮甸三
 移于郡印政味循良方俟黜幽敢期受罷今者伏遇皇
 帝陛下躬修禋祀嚴配祖宗率由旧章大賚群后遂令
 節吏亦廁勳官八柱之名寔叨於茂渥一麾之任有耀

經鉅堂校錄

於專城誓將冰蘖之心上荅雲天之施无任感天荷聖

云云

謝宣賜表

臣某言今月八日進奏院進到宣頭一道伏蒙聖慈以
 臣先撰元德皇太后謚册文特賜臣衣着五十疋銀器
 五十兩礼畢圓陵恩霑論譔伏念學懋稽古才名不兼
 人際會先期忝塵近侍東里子產累居潤色之司南面
 仲弓維荷分憂之任泊違繡嗣復竊掖垣適當議云陽
 之陵定昭成之謚猥承詔命恭少册文深虞孤陋寡聞

難当大手笔事雖經御覽未息兢惶今者謚册入陵神
祔廟伏惟皇帝陛下孝思罔極允澤下流頌厥筵之殊
繒錫中金之器四捧承靡措蹈舞失容儒冠之榮无以
如此孝治之化足能感人惟覓冒崇曷知報効臣无任
瞻天荷聖激切屏營之至

起居表

臣某言今月二十五日進奏院進到劄札一道劉皇帝
陛下取今月五日暫幸河北者黠虜猖狂聖人順動行
藏先醜永息妖氛伏惟皇帝陛下鑽嗣鴻圖憂勤庶政

戢人武以不殺用人而化成蠢尔契丹敢于天紀凌
越堡障驚搔吏民王師已振於健音帝命尚勞於巡幸
契百姓未蘇之望是六師賈勇之時以鎰秤銖移山壓
卯即日蕩平蕃部更无南物之人守吠塞垣願作北門
之狗在此二菴求服四夷方屬祁寒暫勞天步臣以任
居僻郡地遠行朝捧救罔以无由仰雲天而積恋臣无
任瞻天望聖激切屏營之至

賀收復益州表

臣某言今日日進奏院伏報雷有終奏收復益州者臣

當日集官吏望闕稱賀并告諭諸縣訖守臣不武戍卒
弄兵暫出偏師果平孤壘謝臣伏現益部久樂星風蕞
尔王肉敢萌逆節盖灾流于分野致盜掘于城池伏惟
尊號皇帝陛下斷在睿謨擢茲儒將雖依九伐之法特
開三面之羅尚敢嬰城斯為迷復悞因敷牂聞之又徵
圍兵必闕之文縱以遁逃今自縻盡潰由聖畧永淨坤
維臣任忝頌條欣聞捷奏允任歌時樂聖歡呼臨舞之
至

賀勝捷表

經鉏堂校錄

臣某言今月三十日得進奏院狀報今月十二日據夏
州路馬步軍都部署王超延州路馬步軍都部署范延
召等各差入內殿頭高品岑保正入內高品曹繼隆等
走馬齎狀到闕奉兩路大軍入賊界到烏白池會合前
後二十六度掩殺著蕃賊殺下末慕軍主一十一人吃
囉指揮等二十餘人及殺下蕃賊五千活捉到蕃賊二
千余人并收到馬二千余疋奪到衣甲器械二万余事
件傷殺却蕃賊不知數目打奪到牛羊老小不少收到
糗糧料艸窖竈極多並已散与一行諸軍其蕃賊帳族

舍屋並曉毀蕩盡所有蕃賊田禾苗谷並稔收刈及踐踏淨盡其李繼迂与蕃賊並已潰散迺道其諸路大軍并百姓已於今月二日並安却迴各歸遂處駐泊訖皇太子宰臣文武百官於今月十三日入賀者臣當時集軍州官吏等宣讀告諭望闕拜舞稱和訖躡虜窺邊王師出塞大威克醜永息袪氛凡在照臨畢全慶快謝中臣聞姬周脩塞來則擊之矣漢用兵事不獲已蓋為民之除害亦有国之常刑言念夏台古之白翟雖居沙漠寔近峭函叢尔繼迂久稽天討養成巢穴名集逋迺道督

經鉅堂校錄

戎人驚倭王土伏惟尊號皇帝陛下外其夷狄念在生靈戡堂之上奇兵惜閩中之民力以至賜之國姓改以令名位重察廉官兼保傅而獸心反惻大性猖狂劫掠我吏民侵陵我疆境皇威激怒禁旅奔馳而路齊攻三軍合力應兵神速突騎龍驤疾雷无掩耳之期烈火動燎原之勢大小十六陣斬獲万人積甲如丘陵疆屍滿沙蹟發其積聚獨其室廬俘牛馬以谷量蹂稼穡而掃地足使五千深入突李陵之功十方橫行輕樊噲之虛語而况偏裨斬劓固有子遺渠魁遁迺道僅以身免賊氣

大沮人心已離係于庭闕之前誅乎獨柳之下止應尅
日到听吉音此皆斷目宸衷出于睿筭過其橫議授以
聖謨故得帷幄之邊陣為執展沙場之上捷書已未歷
考自古帝王料兵速未有如陛下者也臣去年叨書密
命併直內庭批送鑒之封章屈王言而姑息未嘗不援
毫切齒怒踐冲冠忠无將帥之材寔大夫之恥今則身
居即署目觀神容感涕祈歡倍万嘗品伏限權司郡印
不獲拜舞闕庭臣無任

揚州謝上表

經鉏堂校錄

臣某言十一月二十四日樞密院馬遞勅牒一道至滁
州伏蒙聖慈就差臣知揚州軍州兼管内邊堰橋道事
替量儼仍故朝謝取便路任馬發送移任所者臣已
於十二月四日到揚州上訖祇奉朝命初權藩服分憂
任重謫官心覺感恩而涕泗無從省已而兢惶失次謝中
伏以禹別九州斯為奧壤唐分十道是曰大邦控淮海
之津梁會東南之漕運當聖主賢之日親王領鎮之初
宜擇才能俾人繁劇豈臣愚昧而所克堪伏念臣頃以
藝文獲塵科第三館兩制遍歷清華千載一時別无媒

援由是上惟奉主勞不忘人比因直言頻至左官去年
自禁中出職除上臨民勉在公憂虞度歲鬻髮漸白
眠自己昏但以行年未高不敢求退明代難遇犹思報
恩願惟善政之茂間宜望鴻私之曲被今者伏蒙尊號
皇帝陛下擢小郡推大藩雖放弃之臣君恩未替
而要中之也使舍孔多微臣素之家財本州元无公用
恐因供億別極悔尤冀至心之察微免中口之騰謗此
外麗當勸豈敢曠宮况揚州雖號藩方而无多戶口凡
干場務皆有使臣、在其中提振而已至于决浙詞訟

經鉅堂校錄

督責賦租持以无私必期集事今緣奉詔急連所以不
敢稽留庶子庶時之間別求散慢之地奔頭見日空知
京闕之遙白青為郎甘老江湖之上伏限權臨郡政不
獲躬拜天庭無任

請撰大行皇帝實錄表

臣某言聞二帝三王之道无尚書則泯而不見战国秦
漢之事无史記則滅而不傳更使後之視今犹今之視
古者書史是賴謝伏以大行皇帝功濟万物道高百王
誕敷皇謨勤恤首憲章軍國之務經制郡縣之權故

得百萬之師如臂指億兆之衆推心致腹而又禮樂刑
改之盛鼓明文物之花煥乎輝然有足稱述附于二十
一年行事而王道備矣伏惟皇帝陛下以奉先孝副知
子之明紹膺丕高惟克永世極前即位天下宅心社稷
人神罔不依附華夏壘弱罔不駁奔斯乃先帝之貽謀
得陛下之聖嗣乾坤交泰日月重光歷考近古立儲闡
承帝位未有如我朝之盛者也臣愚以為撰大行皇帝
寔錄垂之不朽况盛德大業簡冊具存鴻儒碩生臺閣
皆是豈臣孤陋散有覬覦然念臣太平興國五年徒步

經鉅堂校錄

應奉再說御試遂登文科服勤州縣揚歷四孝先帝探
摺紳虛譽自長洲令徵為左正言恬直史館明年轉左
司諫知制誥出入中外十有三年連不因人進死頭過
永惟知己之至未得殺身之地今陵寢有日論撰是資
倘得措一辭于帝典之中署一名于國史之後臣雖死
之日如生之時至于褒善貶惡之文編年紀傳之例脩
崇探討粗見指歸况瑞拱元年春季日歷是臣編修如
蒙帝俞不辱君命臣先任懇悃之至

謝弟禹圭授試銜表

念禹圭臣之母弟素无文性早使專經重以先臣惜具
幼子奉朝擢第以慰慈顏自後往往六年丁憂三載
漸及強仕未有出身今者伏遇皇帝陛下續嗣寶蓋詠
敷文德凡店守土之任又合駿奔因命在原之親入修
職貢伏蒙陛下奉先朝之故事推出震之殊恩俾列官
常仍居仇校起家之家曲荷於生成報國之心同期於
死所伏限郡印不獲蹈舞玉階臣無任感荷聖激屏營
之至謹奉表陳謝以聞

賀聖駕還京表

經鉅堂校錄

臣某言今月十六日進奏院狀報正月二十三日大駕
還京者天戎迭遁壘輅凱旋神伏惟尊號皇帝陛下奉
承祖宗威懷戎懷但懋守文之德靡殄神武之功最尔
秣胡無名內侮蜂屯鳥合鼠竊狗偷必想邊民奮挺以
歐攘亭長持繩而繫縛豈勞車駕遠涉山川陛下念二
聖臨朝每經營於河朔屬三時不害乃迎幸於沙場存
問耆年勞來強更有征无戰諫詩觀風邊人識龍鳳之
姿胡馬避虎貔之衆昔周宣薄伐強玃深入大原漢武
斥逐亮奴遐臨瀚海頗為勞獎尚者教時曾未若陸

下仰順天時俯從人欲出狩各當於各隙班師未廢於
農祥瑞屆紫宸飲至清廟各雨方需春華正繁捧觴長
樂宮之錫宴上林之苑皇歡大洽天步永安易曰聖人
以順動則刑罰清而民服子孫曰不戢而屈人之師善
之善者也其是之謂乎臣在謫官先有扈從既不得少
頡利可汗之露布又不得荅冒頓單于之慢書當文士
有為之時處山川无用之地迎盛莫遂望闕弥深臣无
任歌時樂聖

謝加朝請大夫表

經鉏堂校錄


臣某言今月十三日進奏院遞到敕牒一道中書劄子
一封伏蒙聖慈以臣預修太祖寔錄特授臣朝請大夫
仍賜絹五十疋銀五十兩者陞級請崇賜賚優厚恩生
望外事繫宸表仰戴龍光伏增戰越臣謝伏念臣素无
望寔久玷清華訓誥典謨罔知体要春秋檮杌豈識指
歸去歲伏遇尊號皇帝陛下詳觀國書追念始祖頽復
不祧之廟光揚納麓之勳以為自首編修或多漏畧永
懷丕烈深軫孝思謂漢祖元功立紀于武帝之世神堯
寔錄重定于高宗之朝爰詔近臣再編茂寔臣叨膺是

選九愧非才尚賴宰臣李況監修錢若水提領其職臣
則討論遺事潤色舊文始則合秦趙世家得國姓之根
本攷唐杜氏族見太后之諒流凡所改更皆有按據庶
彰帝業以副天心方施汗簡之勞迺有分符之命无由
别白但積憂危加以年髮漸高郡封其僻野烏閑暇潛
窺賈誼之容江表嗆喁欲嗟灵均之骨未知何日再覩
天光豈謂大典初成群賢進御陛下以臣曾施翰墨曲
記姓名俾進階資復援恩例絲綸溟汗金帛輝華州民
改觀謫官增氣領郡城而魚史氏何異唐賢奉朝請以

經鉅堂校錄

為大夫榮同漢制非小臣稽古之力乃陛下好文之心
涕泗縱橫縻縷亂於神魂飛越若在烟霄唯知遭逢局
可報効然念臣業文之外蔑有器能知命之年别无嗜
好才思未減筆力尚雄馳于文翰之場犹能識路貴以
循良之政恐悵分憂倘用所長期不辱命臣无任

王黃州小畜集卷第二十二



經鉅堂校錄

王黃州小畜集卷第二十三

賀冊尊號表

臣某言伏奉去年十二月二十四日批荅允百僚所上
 尊號內四字今年正月一日御朝元殿受冊禮畢者日
 新盛德讓茂寔而不居天啟群心上尊名而得請事光
 簡冊慶洽華夷謝伏惟尊號皇帝陛下受天靈符作民
 司牧元本咸臻富壽之鄉戰兢未咸焦勞之
 念一昨特頒鳳詔及省鴻名謙冲之道弥光推戴之心
 安仰百辟請仍於旧貫睿春不迴三章別上於新名宸

小畜集卷二十三
所見納尚以為法天之義可以體剛健而奉高明崇道
之名可以守虛元而務清淨見帝皇之自下却文武之
大功俯順万邦作程百代粵茲元日誕受徽章冊鏤軋
文愈見流謙之道禮成帝籙更隆卜世之基臣擢列上
台得覩盛事伏限未任拜起不獲稱慶朝堂

謝降御劄表

臣某言今月二十二日夜伏蒙聖慈特降御劄云云者
驕陽作沴乃相臣調變之憊乙夜飛文見聖主焦勞之
旨引過咎以歸已教刑政以留心捧讀驚慚不遑啟處

經鉏堂校錄

中
謝伏惟尊號皇帝陛下為民父母受天聰明臯思而已
滅袂星轉衽而尚憂時雨側身修行自符云漢之詩肝
食宵夜莫有華胥之夢特形宸翰備見天心恨犧牡何
止靡愛珪璧諒至誠之所感致甘澤以非遙臣備位台
司親承睿旨君歲大旱多慚傳說之才謂天蓋高必听
湯王之禱未蒙冊免尤愧搢紳而又誨以刑政敢不勤
于夙夜少助憂心之意庶成澍雨之期伏限脚膝未痊
不謝拜謝闕庭

賀兩表

臣某言伏觀今日月廿兩大降宰臣呂某等便殿稱賀者自秋以來時雨不降遇災而惧至誠爰禱于上玄有感則通甘澤忽霑於下土豈登有望朝野同歡謝伏惟尊號皇帝陛下七政感齊五行為庠夤畏昊穹之命焦勞刑政之源一昨祇誓告災豈年夫望宿麥播而木苗旱雲垂而不霑陛下靡愛斯牲徧走郡望降廷臣而決獄御便殿以錄囚御筆搗文一夜引萬方之罪清詞溼懇經旬禱五福之宮惟德動天而天不違至誠感神而神授職向夕而月離于畢崇朝而雲上于天散絲偏

經鉅堂校錄

洒於焦枯比屋重興于耒耜豈止小康之兆乎書大有之年堯眉舒八彩之顰免貽臣辱舜染復九成之悅民凡在含生同知大齋臣為霖寡術和鼎脩負方期冊免之命以塞變調之咎處台司而愈愧荷聖感以彌深伏惟本任拜起不獲稱慶朝堂

賀雪表

臣某言伏觀今日月九日臘雪應時宰臣呂某等便殿稱賀者伏以臘者四時之暮所以成歲功雪者五谷之精所以滋農畝寔上玄之垂祐表聖主之愛民凡在昌朝

共欣嘉瑞謝伏惟尊號皇帝陛下勤勞展政欽順天時
因百姓以為心思濟壽域慮一夫之不獲嘗若納隍而
自秋徂冬密雲不雨陛下念兆民之稼穡憂七廟之樂
盛徹金石於堯軒減葷膾於舜甑而又京師之內鰥寡
之徒大頒金帛之資用極飢寒之累靡神不奉有感則
通遂令六出之祥大副三農之望連宵委積偏野霑濡
彰聖德以弥光書有年而无愧臣方居假告忽覩休祥
雖慚調燮之功但樂豐登之望

賀罷謁廟大禮表

經鉅堂校錄

臣某言伏觀御劄示諭内外文武百寮以彗字之祇特
罷八月二十四日謁廟大禮仍擇日御丹鳳樓肆赦者
清廟陳議玄穹示誠引万方之罪皆在聖功退三舍之
祇停光帝德凡居履盡如昭伏惟尊號皇帝陛下
夤畏上玄祇嚴列聖垂象忽呈於恠異惟罄罷荐於祖
寅洒宸翰以飛文出綸言而引咎仍行赦宿用蒼穹是
九土編毗盡聞哀痛之詔三边戍卒頓減歌唸之声佇
見玄德升聞至誠感應五緯變連珠之狀載耀朝文萬
邦頌執王之誠同扶帝業臣之叨輔弼脩熟憂勤慚非

伊呂之致君但仰禹湯之罪已歡吹拊跽倍萬常情

賀御樓肆赦表

臣某言伏覩今月某日皇帝御冊鳳樓大赦天下者謫見上方乃降責躬之詔澤流率土仍推作解之恩凡在照臨同深慶賴謝伏惟尊號皇帝陛下順者古道觀乎天文有年將謝於祖宗玄象忽垂於躔次遂停吉礼用慰咎徵慮庶政之闕修啟普天而流惠樓開丹鳳大昭引咎之誠罕揭金雞咸與自新之路幽明靡間罔罔皆空人心已作於頌声天道頓迴於和氣佇現符瑞用答

憂勤臣年在衰殘功虧變理冊免尚稽於旧典禦災但仰於新恩愧畏競虞罔知所措

慰公主薨表

臣某言今月某日得進奏院狀二十一日某國公主薨者雲愁魯館風咽秦蕭驟鸞塞以颺馳恹龍頭而雪泣謝伏以某國公主自天鍾秀稟聖含華声詩早詠於蕭維選尚遂從於厘降行旧姑之礼克表人倫宜公候之家誕彰婦道豈謂瑤台促白玉樹先催星沉而婺女難留月晦而常娥不見伏惟尊號皇帝陛下悲深天性痛

極皇枝歎媯汭之逝波空驚長往望沁園之荒土无復
端寧凡在人臣共增悲悼臣限拘留務不獲陳慰闕庭

乞歸私第養疾表

臣伏念臣廢常朝將臨聖節紫宸咫尺難獻壽捧觴黃
閣優閑但備貞而調陽不歸私第寔玷公朝輒述
懇誠形于章奏伏蒙尊號皇帝陛下曲垂敦諭未賜听
送念疇昔之遭逢存始終之寵遇聖慈雖原公議難安
况廊廟具瞻白銜重務固當夙夜匪懈朝夕論思豈有
半年之間殊无一拜之礼外論恐傷於冒寵私心未允

經鉏堂校錄

於懷憂伏望皇帝陛下俯察衰容更容假告庶藥石之
有効俟筋骸之稍康盡瘁匪躬尚更期於晚節懸車老
敢輕付於明時倘遂允俞不勝懇願

為乾明節不任拜起陳情表

臣伏念臣向嬰羸疾久免起居願聖節以將臨候天顏
而尚阻在百辟具展之地合展礼容当十官獻壽之時
未任拜起載循衰朽但積兢憂謝伏惟尊號皇帝陛下
甲覲儲祥華封祝聖方邦玉帛皆頌就日之誠五等公
侯共樂後天之壽凡居覆燾熟不禱祈况臣首尉台司

曲承人賤曳屣方艱於步武捧觴寔阻于歡呼有禮則
安考格言而是俱先德而祿名厥疾以攸宜空存善禱
之心願怒不良之足筋方為禮雖臨九杖之年肢肱惟
良深愧搢紳之綸臣先任

乞差官通之謁廟大禮使表

臣處頃丹懇仰達紫宸載三維贖於聖聰萬一冀迴於
天矜伏念臣遭逢昌運泰窈台司三十年將相之權周
旋倫位一千載君且之分終始先淪而自秋夏以來脚
脚無力免常忝於紫殿頂火改色黃禱伏遇尊號皇帝

經鉅堂校錄

陛下告謝豐登祇嚴宗廟既列三召之首合居五使之
先顧筋力之不支慮趣蹙之失度輒伸悃幅冀免遣差
豈謂陛下雖念暮年犹敦後事猥將大禮責在老臣加
以中使太医旁午折道路王言御劄稠沓於門庭認睿
青之丁寧豈自高於安逸受已行之命馬敢高固違在
臨事制儀尚期通攝是敢預陳危懇上禱宸嚴庶于行
事之晨免致乖儀之咎

求致仕第一表

臣某言臣聞知進知退賢達之格言有始有終君臣之

大義時染乞骸之疏，伏念就日之魂，冀仁主之憫，差遂老臣之休退。伏念臣比之宏材，且非世胄，鄧仲華之素望，不過功曹，岑文本之初心，止于縣令，偶以遭逢景運，扳附先皇，擢自從驛，居相輔，捐軀誓命，不後他人，任重才輕，終无成績，泊盟津之出，將遇代邨之興，王駿奔北關之前，恪佐東宮之制，臣此際已能知止，便誓終焉，豈期陛下軫念青毡，重升黃閣，但奉明文之教，令曾无啟沃之謀，獻迎後陛下察以兢持，均其勞逸，連鎮襄鄧，暫遠唐虞，節旄久竊於寵，榮寒暑漸成於衰，颺前歲幸

遇陛下躬事上帝，親耕千畝之田，老臣位忝諸侯，合預五推之禮，請朝天闕，尋奉帝俞，得伸助祭之誠，寔有分司之望，陛下過私天眷，復列上台，既青重以位高，果積憂而成病，今春始予微恙，遂致沉痾，陛下終賜哀矜，多方治療，瘥平，未几步履，猶艱，自茲特免常朝，仍司大政，無一言以俾至，听无一拜而覲天顏，在中書則省吏扶行，羞看朝士，歸私第則鳴驄導前，耻見都人已為廢疾之身，曷称具瞻之地，近因歲暮，轉覓形羸，雖云告假之中，仍列鈞台之上，存問頻勞於聖慮，優容寔站於公朝。

况宰臣一日之俸金乃下位數年之祿食君恩雖厚敦
有國之憂倫內府雖豐耗生靈之膏血苟不思止但冒
寵先豈惟辜負聖知直怨招魂延暇伏望陛下听其告
老惠以歸全庶于瞑目之前少遂安身之計示君恩之
有卒使賢路之无妨必也辭榮許歸西洛幸而未死獲
見東封免令就木之年更取伐松之利尚慮陛下過存
合旧便断來章雖犯嚴誅當期必速限以南艱步武不
獲躬拜明朝堂謹遣次男六宅使承煦詣東上閣門琴
表諫乞以開

經鉅堂校錄

第二表

臣某言今日日琴章上閣告老恩車優詔未俞雖增寵
遇殘年无几頃至哀鳴繼獲戾於違天冀退身而得地
謝臣聞葛亮蜀之名相以二十罰而傷神裴度唐之鉅
賢始四十歲而髮白或成衰促蓋積憂虞况臣非武侯
之才能无晋公之智略然以遭逢先帝際會聖君塵重
位者三十年處浮生者七十載雖无功名報國豈以畏
慎周身衰老若茲死亡无日未解彌諧之任頗傷公吳
之朝但冒寵於三朝終取笑於千古是以懇求致仕遠

合旧章陛下曲存始終迺有敦諭听自天之成命雖沒地以知榮其如老病弥加死期非遠况庙堂三人貴極人生尸素万錢罪招陰譴与其速之斃曷若優之以生伏望陛下惠以考終致之散地冀延餘息尚見明時感聖主於生前從先臣於泉下幽魂无愧朽骨有光區區之誠寔望

第三表

臣某言臣屢上封章請還朝政繼蒙批荅未賜帝俞七十恩車于礼文而非遠載三則蹟考易象以懷憂念老

經鉅堂校錄

病之日如冀皇慈之見憫辨臣聞老氏玄言誠於知足箕子洪範福尚放終臣雖至愚竊慕茲義况才非王佐位極人臣出則擁上將軍之鼓旗貴居方面入則佩大丞相之印綬首冠自司三代有贈官諸子居貴任俸祿錫齋聚之則何啻万金官爵皆燕數之則無非一品日有秩酒月有餼錢奉此一身已踰二紀內不能出奇西策廓氛清而偃干戈內不能阜俗安人救悍娶而濟富壽玷聖朝之公道為陛下之私人齒髮衰殘形骸病弱此而不退是謂无厭向者祇昔忽生亢陽斯久天怒神

怒寔為老臣引咎青躬反勞聖主今幸時雪大降豐年
有期多慙變理之功全臣處三台之上列當万乘焦勞
之日為一生尸素之大縱免國刑必招陽責臣所以號
泣求退朝夕不安者正為此也伏望陛下察由衷之危
懇行冊免之時天庠延風獨之年獲盡雲龍之分若一
旦溘先朝露尚秉洪鈞則埋骨泉臺幽魂書愧書名國
史後嗣何觀瀝懇披肝期于得請

第四表

臣某言今月五日至十四日三上封章懇陳致仕伏奉

經鉅堂校錄

十七日批荅不允令斷未章者伸告老之誠寔當暮齒
拒已行之命合受堂刑与其冒寵以招殃不若違天而
獲戾謝中臣聞上天之育万物各使得其時是以春則發
生秋則肅殺示有成也明君之馭百官荅使得其所是
以壯而入仕老而愚東明有終也敢徵斯義以道危誠
伏念臣遺疾弥深殊非永聖主不能有瘳白料此生
必難報國惟當明代早遂退身繼有哀鳴固非飾詐况
去年十二月二十三日陛下幸臣私第見臣病容以至
金口憫嗟重瞳露泣臣此際潛忻得退志在不疑始望

一表見俞豆謂三章不允曲形敦諭過念遭逢雖恋聖明其如病瘠臣今日暮途遠居崇待終氣羸則藥劑无功手顫則粥杯難於步履衰殘之狀備封天顏尸祿之愆累煩聖听寔歸骨詎敢要君鄙志不移有死而已

讓西京留守表

臣某言自今月五日至十五日四上表章懇求致仕伏覩二十一日內降白麻伏蒙聖恩授臣守本官兼中書令行河南尹兼功德使充西京留守者維上封章乞歸骸骨未行冊免忽用保厘碩殘年而氣若尸居听成命

經鉅堂校錄

而醜疑天奪微軀殞越奔族憂虞謝臣聞賞王八柄是為生殺之權分務兩都寔總居留之地願惟老朽曷称崇高伏念臣出自孤寒今非俊傑久處秉鈞之任止因開國之期雲依託諸侯三十五未諧釋褐洵運逢明主十九尚占台司因无經國之謀犹但享逼身之富貴上辜聖德果有天殃自邁况病已踰新歲啟手足而能餘凡日為肢肱而深負明時是以泣血濡毫呼天抗表願罷萬錢之俸預營五尺之塚是哀鳴固非飾詐豈謂陛下過私天春復降徽章別聞苟令之地俾守周公之

宅荷君親終始之分近古殊无守宮闕宗廟之司非才
莫可况臣手不能運足艱于行苟聞命以不辭是捨軀
而即重前求罷相皆是欺天不惟受君子之誅兼恐敢
樵夫之笑有死而已臣不敢當伏望陛下憫念桑榆寢
停綸綍放歸私第明告公朝則老臣知止之榮歿而不
朽陛下有終之惠于義柯如伏表叩頭淚血俱下

第二表

臣某言今月某日蒙恩授臣某官當日上表陳讓臣伏
奉批荅未允者留司重任垂死殊年間命不遑拜章陳

經鉏堂校錄

讓未迴宸春恐速天殃夙夜以來神魂飛越謝伏念臣
去年春季即染沉痾今歲正初方求致仕非不眷戀明
代盖憂逼近死期迭度德量力之心減尸祿素殮之咎
所望尽停厚俸高謝台司隨太平之老農作皇家之旧
相是為大願夫復何求豈期陛下特委居留仍加官
秩改功臣之懿號付大尹之據權雖荷皇恩寔垂素望
且念臣之富貴天下共知臣之衰羸陛下具見肯因体
退復取寵榮况西都事繁中分邦政留守祿厚十倍幸
臣之若受之是无厭也豈止冒榮於當世亦將取笑於

後人平生无致主之功臨歿以要君之罪此臣之所必
不為也若以拒違成命冒犯嚴誅視歿如歸期不奉詔
伏望陛下存退人之大体割念旧之小慈賜以安本期
子就木雖歿之日犹生之年

第三表

臣某言臣自燕宣麻載陳讓表伏奉荅詔令所未章頌
老疾之嬰纏荷聖恩之稠沓因辭榮而受祿是冒寵以
沽名泣血慚視下違啟處謝伏念臣去年抱病久在中
書上有万乘聰明下有三臣輔弼臣安則署勅因則高

眠上多虛羸不任耒往而况兩京分務百職具存七世
之廟甚嚴万夫之政斯在既非卧理之地尚增尸祿之
尤且三十千貫之俸金數百家之賦調奪其膏血奉此
衰殊雖曰優臣以恩乃是速臣之歿與言及此苟活何
為臣又視前代退人自有常礼或以師事之旧或以定
策之勳亦不過賜以千金与之駟馬而已臣之富貴正
足遭逢有位无功既老且病放歸私第何負于臣豈煩
朝廷過作礼數伏望陛下容其告老察以由裏俾諧知
足之心尽履已行之命朝退夕死臣无恨焉

第四表

臣某言臣伏奉本月某日第三道批荅不許臣陳讓恩
 命今斷末章者上言則是拒命受寵則是要君憂惶失
 面進退无據謝伏念臣累陳危懇未動宸衷寔恐老病
 之身不称保厘之任不端憂悖三表哀鳴陛下累降綸
 言兼貽御札且云開國勲臣惟卿一人又云願養洛陽
 事光青史伏讀聖語位願殘骸恨不能追已往之年
 華換已廢之筋力奔走上道應副天心其余步履艱難
 言辭塞澁不求致政是謂會榮安有始則讓三百貫料

經鉏堂校錄

錢終則受三千貫月俸必若均于庶吏可給數百員分
 于六師可奉數千輩或使安民布政或令禦寇備邊割
 老臣之弘恩成陛下之公道亦恐增臣微福減臣余
 殃因之剩活數年必得我見才棄若酒令赴任不許罷
 官尸素轉多憂勞速无恐无益也適足苦之伏望陛下
 思一物失所之言察凡失不奪之志寢茲成命俾遂初
 心則長往九原免有冒榮之耻更生一日亦蒙再造之
 恩

謝降御札并宰臣就第儕宣不允陳讓留守乞候

病愈日赴任表

臣某言今日日伏蒙聖慈特降入內小底押班韓守英
載賜御劄當日晚宰臣呂某已下至私第奉宣聖旨重
疊示諭兼再賜批荅不允臣陳讓恩命斷未章者辜
臣諭旨中使傳宣宸翰丁寧雖難封執殘骸衰憊寔不
支持若伏祝堅拒於君恩飛章更煩於聖听為臣之道
寔不自安銷俟有瘳以膺成命謹當徧求良醫精療沉
痼懇願未間憂惶失次

謝許肩輿入內表

經鉅堂校錄

臣某言二月日准樞密院劄子奉聖旨許臣過清明節
選日辭朝仍令乘担子於崇政殿入見者老病衰羸聖
慈潤惻察其足疾听以肩輿寔君父之殊私非人臣之
常礼昔恭義授經於宣帝則兩吏扶以趨朝裴寂納命
於太宗則三衛卑之入覲臣无此歟旧有此龍榮自知
殺身无以報主兢惶涕泗不知所裁

謝宣差長男送赴西京表

臣伏奉宣命差臣長男左羽林軍大將軍承宗送臣起
西京者自天有命奔族知榮慰其父子之情益見君臣

之分伏念臣屯慚衰老未遂歸休明君重委於保釐方
憂曠位長子辛叨於環衛合預常叅陛下輟自班竹許
隨行李出于聖念寔耀私門歧路有光室家感泣獨親
獨子既有玷於公朝尽惠豈敢忘于家訓永言感遇空
極涕洟


謝宣旨令次男西京待疾表

臣某言今月日樞密院送到宣頭一道付臣次男某令
隨臣赴任西京侍疾仍不落請受者君親厚過父子偕
行祇荷寵榮弥漣感泣臣近以將之洛邑入覲堯階少

頃慙闕之心併寫感恩之抱沐聖君之發問許幼子之
侍行不落班行仍支俸給寔非常例並出特恩想暮齒
以知榮頌私門而積耀此蓋陸下義孰天性恩厚孝思
念黃髮之衰羸俾彩衣而侍養老夫耄矣罷相輔而忝
居畱守童子何知奉晨昏而兼內職唯於忠孝以誓子
孫過此以還不知所措

王黃州小畜集卷第二十三

王黃州小畜集卷之二十三
臣某言伏奉恩制授臣西留守已於今日到任上說
乍遠龍庭初臨電洛望冕旒而對戀對宮闕以知榮伏
念臣素乏宏才偶^逢開國歷兩朝而竊祿叨三人以無
功去歲因係沉痾懇^辭重位抗表止期於致仕出綸復
委於留司四上讓章願罷已行之命載蒙荅詔未諸往
訴之誠慮堅卧以要君遂力疾而受命此蓋陛下情深
念舊禮極退人遂令朽衰之年享此殊常之事入則榮



王黃州小畜集卷第二十四

西京謝上表

臣某言伏奉恩制授臣西留守已於今日到任上說
乍遠龍庭初臨電洛望冕旒而對戀對宮闕以知榮伏
念臣素乏宏才偶^逢開國歷兩朝而竊祿叨三人以無
功去歲因係沉痾懇^辭重位抗表止期於致仕出綸復
委於留司四上讓章願罷已行之命載蒙荅詔未諸往
訴之誠慮堅卧以要君遂力疾而受命此蓋陛下情深
念舊禮極退人遂令朽衰之年享此殊常之事入則榮

提相印冠四輔以調元出則分務神皋守三公而在外
仍故荀池之貴弥彰洛宅之雄增老臣無德之殃寔近
古未行之典永言寵遇無与比倫而自感泣朝辭扶力
上道乍臨理斲弥耀殘年奉列聖之宗祧都百司之典
故對兩覲而寧忘恋閣俯三川而更切朝宗謁太祖之
國陵魂銷弓劍掃先臣之坟墓淚滴松楸念往追思槩
既榮且惧惟慚潦倒不称居留亦當虔奉朝經旁詢屬
吏卧治上慈於聖化臣庶便於微軀固无禪補之功但
感終之道

經鉏堂校錄

謝聖惠方表

臣某言今年月日進奏院狀報十日准御書院劄子奉
聖旨降太平聖惠方第五十一卷至一百卷并排門自
錄一卷六五十一册并用紫綾裝褙黃絹作簽仰進奏
院遞到西京賜臣者宸眷曲迴上方新製聖惠本需於
黎庶天慈續賜於老臣欲令病廢之軀再獲康寧之福
酬伏惟尊號皇帝陛下与世作範視民如傷穹百病之
根源選十全之方術爰自朱邱逮于紫宸垂十五年成
一百卷殺疾病疔瘍之理盡金石草木之情莫不岐伯

秦和獻其後行倉公扁鵲奏其方書辨五教五色之微
察九竅九藏之動御製別加於序引生靈咸議於指歸
笑玄宗發濟之方一何太簡繼黃帝親嘗之理千古同
輝頃以模印未全施行簡不廣臣方居黃閣首被鳴慈
常恐此生不見全集豈謂陛下曲存終始再有頒宣窺
天愈賁於高明現海莫知其涯渙惠過反魂之策功深
起甕之絨進奏謝恩恐自殊於方鎮拜章叙感犹竊比
於台司更延遲暮之年寔自生成之臣無仕感天荷聖
激切屏營之至

經鉏堂校錄

謝手詔別錄賜生辰國信

臣某言今日日伏蒙聖慈差臣男某官押賜臣生辰者
天眷迴光私門積耀方動劬勞之感忽承睿聖之知舉
族為榮百身何報伏念臣才非兼濟運偶重熙一言无
補於宸聰三入徒塵於相位向以虛羸遘疾筋力不支
優容猶列於上台拜謁不拘於常礼死難塞責方期伏
枕以上章疾既有瘳亦合懸車而告老尚恋文其之德
冀伸補報之心豈謂陛下特記生辰曲迴睿眷衣襲
六宮之製器分三品之珍出鞍馬於內閑分綵繒於天

府惟慚老朽不称鮮葉無裨无衣益負下民之媿有始
有卒空知上聖之恩惟思苦口之言以尽致君之節逼
此以往莫知所為

謝傳宣撫問表

臣某言臣男某押生辰国信至伏蒙聖慈君赴崇政殿
面傳宣示撫問者俯听聖語如對天顏涕泣感恩兢惶
失次伏念臣遭逢有素功業无闻亦嘗潜歎昔賢略街
近代劉仁軌處保厘之任功著征遺裴晋公兼将相之
權勲高伐蔡稱為国老不愧後人臣无此勤劳有此名

經鉅堂校錄

位未諧休退帝負憂虞豈意生辰尚闕聖念時垂寵錢
俾耀衰殘詞臣草詔於玉堂以循往例家于授宣於金
口事則非常万死百身終難補報无任涕咽感恩之至
為壽寧節不任朝覲奏事狀

臣伏念沉痾未愈聖節將臨頹筋力以不支望雲天而
積恨既乖修覲莫感寧居竊以臣自偶昌朝久叨責任
入則位崇於三事累玷台司出則名冠諸侯於謬臣塵
居守凡闕慶賀皆合率先而况壽寧嘉辰節名新改當
碎称觴之日是二年伏枕之余歷夏經秋有增无减莫

入則位崇於三事累玷台司出則名冠於諸侯謬臣尚
迷於聞蟻傾堯日而雖企葵藿通虞泉而自念桑榆遐
瞻北極之光恨无迅翼善禱南山之壽但有精誠臣无
任祈天祝聖激切憂惶之至

奏姪男表

臣前件姪男某早慕通修比求科試未精於奔業既難
輕入於文場尋以奏授朝恩補充衙內隨從已經於三
任蹉跎遂滯於一名况四房昆弟之間唯念此姪念千
載君之分恐夫良時倘蒙甄錄之思粗有勤之誠干

經鉅堂校錄

犯辰辰无任兢惶激切之至

謝賜姪男大理評事表

右臣伏蒙聖慈授臣姪男某大理評事者抵荷寵光不
任榮懼伏以法寺美官聖朝好爵凡云選授必擇器能
豈期不調之材遽忝起家之命伏念臣侄男某稟訓雖
久知書未深坦以補署職名侍行藩鎮既蹉跎而有素
恐仕進以无階爰因誕聖之最輒有量材之請伏蒙尊
號皇帝陛下不循常例特降殊恩賜犹子之官常念老
臣之衰暮諒殺身而何報空舉族以知榮臣无任

徹連壽寧節功德疏奉表

右伏以何清社鳴千載啟興之運久王萬家傾
祝聖心之居留既冠於台司虔禱寧國於廣位是以集
祇園之開士藏秘藏之真經仰讚雲夫不捨畫鍾梵鏘
洋於四水香花煥耀於六街預期華渚之星已滿周天
之月伏西方之聖教祝南面之王尊庶使星望帝車與
金輪而永固山齊聖壽歷劫以長存臣無任

代呂相公辭起復第二表

草土臣某言臣方憂哀摧忽聞恩命泣血負罪號天自

經鋤堂校錄

陳詔音未從荒迷殆絕中謝伏念臣變調無狀侍養乖方
於國於家非忠非孝不自殞滅柘此鞠凶敢期苦塊之
間更被絲綸之命伏望尊號皇帝陛下曲行恩例念遭
逢雖荷寵榮恐傷風教况古人重及親之祿君子有終
身之喪臣雖不才粗聞期之必將負一杯之上封五尺
之坎慰泉下之流魂赴天下之達禮固非飾詐乃是常
情伏望陛下少抑恩姑全大体覆茲成命俾執通喪免
不孝之名有辱具贍之地臣死任叫天叩地哀號殞絕
之至

代王侍郎讓官表

臣某言今日日伏蒙聖慈賜臣官若一通勅牒一道特授臣戶部侍郎叅知政事兼加階勳爵邑者位列二卿職叅四輔雖听成命寔懼廢官呼天聞而自卜遠圖讓帝澤而誠非飾詐中謝伏念臣才非命世學謝通儒雕虫強繼於家門射鵠敢希於科第不謂策名之日適當出震之期垂衣方濡滯於殊恩釋褐不循於常調未經歷試思立班行不出數年俄居近密佐乃聖乃神之主為旅進旅退之人有何謨猷裨益改化至于斷决机務死

經鉅堂校錄

非稟听明尸祿居多黜幽有待雖聖情之未咎在物議而可驚豈謂尊號皇帝陛下猥以諛才入叅大政在青坛之行慶雖奉彛章佐黃閣之持衡是為非據而又階勳並進爵邑兼榮苟或不辭豈為度德且陳力就列有不能則止之言惟器与名有不可假人之議願改已行之命免貽將至之殃伏望陛下特寢新恩令居旧位靡厚累餐之罪庶无殺餘之虞臣則老在諫垣終於密地求知止足敢有覬覦獲避斯權是為多福

代吕相公讓右僕射表

臣某言今日日伏奉制命授臣守尚書右僕射仍改賜功臣者平章三事績效無聞師長百僚恩榮不吹雖听已行之命寔懷非據之憂伏念臣猥以常才驟逢昌運擢第偶叨於珠綴效官偏歷於清華皆自聖知寔無公望頃者入參大政逐年中樞雖堅報主之心且昧化民之術炎涼屢換尸素弥多洎免鼎司犹居中宰六卿分職既有冠於班行五日延英但祇奉於朝讀省躬知忝沒齒為榮豈意謬荷聖恩復登台席避讓不獲兢惶失容自再秉鈞衡遽罹寒暑雖身非土木粗欲荅於鴻私

而或昧姪无禪於至化有辜重任罔称具瞻固合黜自廟堂放歸田里揚于著位以勵事君伏蒙尊號皇帝陛下曲念遭逢俯存終始特加端揆仍賜功臣矜其不逮之心所謂退人以禮然而中臺峻古相古官若台司无狀之人處會府弥高之位則具僚安仰後代何現伏望陛下少抑弘恩顯從公議特追前語別授散官庶使好進之流詎敢妄動不才之士得以小懲區：懇誠寔非飾讓于犯宸嚴无任感天荷聖激切

為宰臣以彗星見求退表

小畜集卷之十四
臣某言臣聞平章百姓任繫于安危冊免三公心因于
災異覩上玄之未謹居大位以何顏伏念臣等俱之宏
才濫司庶政昧變調之至理辱啟沃之嘉謨迨以先帝
誤知驟加擢用聖君嗣統曲示優容歲月屢更弼諧元
狀既失具瞻之望果貽衆鍊之愆數日以來祿星忽見
謀人之國蓋皇化之未孚代天之工致乾文之告變此
而不責何以致君伏惟尊號皇帝陛下舜天奉先堯心
稽古勵克勤之至德推好問之虛懷循列聖之丕基守
而勿失委大臣之政柄用之弗疑无一事不賜詢求无

經鉅堂校錄

一言不蒙所納上下之情靡間小大之政可行所宜臻
福慶于熙熙名休祥于蒼昊而星緯若此廟可知是乃
元首之明股肱不稱之明驗也伏以君臣全体非人不
居陰陽未知擢士為相乃邦家之令典今古之彛章伏
望陛下思宗社之遠圖借廟堂之重任旁求若穴博採
播紳俯順人心上答天誠必生良弼用協聖猷克致和
平生銷變咎臣等不勝鼎是耻對朝行明降絳綸放歸
田里免玷秉鈞之地甘為擊壤之民用此終身寔為多
幸臣等无任叨榮竊祿戰汗待罪之至

又謝恩表

臣等言近以交生乾象罪在鼎司再上封章更避廟
 伏奉批荅未賜允俞謝竊以休咎之街擊于政教幸輔
 之任或在變調得之則降祥非人則未謹惟天降鑿若
 影隨形代念臣等備倖三台歷事二聖既不能內安百
 姓使盡闢于汙萊又不能外撫四夷俾載桑于弓矢但
 妨賢路莫報國君遂致和氣未融星父夫度易云又誰
 咎也語曰于汝安乎是以願罷鈞衡請求弼輔庶銷天
 誠克致時雍伏蒙陛下荐降絲綸曲形敦諭雖未加放

迺而寔不遑寧復况避正殿於宸居減太官之常膳引
 萬方之罪皆在聖躬退三舍之祇必迴天意臣等尚容
 待罪弥積厚顏當主憂臣辱之時抱尸祿素食之過免
 矜伏問再三慮躅於天聽碎首糜軀万一冀伸於臣節
 敢不精求理本廣察物情討論國經勤恤人隱議邊防
 之措置評刑政之弛張庶凡工減焦勞旁銷氛祲稍遜
 官謗免辱聖知屈之誠寔在于此臣等无任感天荷
 聖激切屏營之至

為兵部向侍郎謝恩表

臣某言伏奉制書入忝朝政拜章陳讓答詔不從兢憂
失焉黽勉就位伏念臣出于寒賤素偶科名玷先帝誤
知驟加擢用聖君嗣統未忍棄遺在臣心而自知所物
論之難處豈謂尊號皇帝陛下特頒綸命俾佐鼎司職
在弼諧事關理亂自非掩訐謨之業有交通之才上可
以啟沃四聰下可以贊成三事則何以副搢紳之佇望
塞宵旰之虛懷是敢具述遲誠願罷光寵陛下不移
前詔終辱大恩再三慮請贖於天心万一冀傾于臣節
又念兩朝近待五稔叨榮雖覆載之恩終无補報幸犬

馬之力未甚哀殘謹當知无不為退思補過調四時於
玉烛誠愧昔矣誓一舍於鴻恩臣某言伏奉聖慈授臣
礼部尚書者推恩掩過省已慚愧伏念臣跡本孤平才
非秀茂當先朝之選祚遇丹陛之較交自忝科名動踰
涯分驟登密勿罔効涓埃雖竭精誠累无獻替洎罷歸
諫署出領藩條奔走五年遷移四郡狗公之志中外不
渝恋闕之心朝昏在望先皇帝召使荆渚俾佐台司未
伸致主之誠遽逼上仙之數薄命雖在孤鳧已銷伏過
尊號皇帝陛下統嗣丕基遵承先旨特迁官秩曲示優

容又換炎涼寧无俾補引退難輕於公就志恩遂涉於
因循一事蔑聞兩朝冒寵耳徒遠賤用成將來伏蒙陛
下曲念遭逢特存終始峻陟大卿之列罷參三事之權
塵旋顯官未寡公議古人所謂進則負天下之望退不
失六曹尚書者臣今是也南宮踈遠北極崇高欲報鴻
恩未知死所臣无任

為兵部張相公謝官表

臣其言臣仰遵帝令再踐鼎司无非常之才負天下之
望任重德薄以榮為中謝伏念臣猥以庸才驟登貴仕

前忝三事行將二年憂畏則多輔弼无効罷歸左轄尋
改正卿迂移數州奔走万里属先朝厭代方泣血於終
天洎聖主承祧幸蒙恭而就日甘臣散地以終此生豈
謂尊號皇帝陛下過求旧臣曲奉先旨委以万務冠于
三台聖春則隆物論未允懇疏陳讓宸慈弗俞免就岩
廊若墜淵谷方今皇澤雖廣黔蒸未康而北边防不无
屯戍東南土俗亦有灾傷當陛下宵衣旰食之時責
微因富困安人之術將何智畧以副倚毘但念生逢聖
朝年過知命不敢受死或期報恩苟拾短以從長庶以

小畜集卷二十四

旁而補過涕洟兢惕不知所臣无任

為吏部李相公讓官表

臣某言伏觀制命授臣守本官平章事監修監史者台
 輔正名策書重載猶非據昌稱其瞻夙夜以來神飛
 越謝伏以承天之序丑者所以闡鴻猷秉國之鈞宰相
 所以熙廢續代天理物負重位高苟非英賢必見壅敗
 伏臣臣才非拔俗世乏顯官爰自策名適逢昌運繼箕
 裘之業位以過於先臣踐臺閣之資身久妨於賢路大
 宋皇帝推叅大政莫著微功冒榮則多无狀罷去帝皇

經鉅堂校錄

陛下初昇望苑慎擇官僚叨賓護之重名佐元良之茂
 德茂聞輔道空積歲時伏遇陛下纂嗣皇局復陪相府
 送往事居之節但極哀榮庇民尊主之方寔无措置听
 于物議有玷聖况豈謂陛下過念遭逢特加倚注命
 為相恐累知人况呂端以黃髮重名退居傳保傳李至
 乃青宮同列出守藩維独臣瑣材當此重任乍聞綸命
 寔駭朝端將何以踐三事之崇高居兩朝之通顯苟特
 知難之旨必貽覆餗之憂伏望陛下博採播紳爰求岩
 穴必有經綸之器出膺宵旰之心惟廟堂之任得宜則

宗之業不墜由衷斯在得請為期臣无任


第二表

臣某言自承制命尋拜封章未賜允俞不遑啟處謝伏以知人安民謂之聖主度德量力謂之道賢苟冒寵榮必乘倚注豈獨夫具瞻之望亦恐傷則詰之明伏惟尊號皇帝陛下負荷二聖之基勤求萬乂之務必欲化人成俗与古為徒所宜擇問傑之才輔文思之德然後內安百姓外撫四夷使社稷永康揚太祖太宗之業聖賢相遇成可久可大之功物論人心所望若此如臣斗筭

經鉅堂校錄

小器章句諸生但以遭逢遂居通顯先皇帝擢從內署俾贊中樞莫効涓埃空更歲月洎退居散地自誓終身豈期際會儲宮列漢皇之四皓踐揚相府預虞舜之五臣當陛下鋪張政教之時是微臣傾竭謨猷之日徒有致君之志寔微經國之才行將二年未立事久妨賢路又正台司時來而身不自知詔下而人應失色伏望陛下特迴成命別付鉅賢俾伸夔契之才用助唐虞之化庶陳力就列遂不能則止之心惟器与名得不可假人之道言非飾讓情逼知難伏閣拜章期于得請臣无任

王黃州小畜集卷第二十四



經鉅堂校錄

王黃州小畜集卷第二十五

賀皇太子綬

某言今日日降到赦書一道皇太子殿下光膺冊命
 正位儲宮凡在普天不勝大幸伏以三代旧章百年隆
 典舉茲盛典允屆昌期伏惟殿下重綸發彩少海澄波
 蘊克儉之風著惟忠惟孝之節王畿千里隨木鐸以行
 春君門九重捧金罍而上壽應時納祐與國同休某擁
 佩魚符遥瞻雞戟無任

皇太子賀冬牋

某言伏以啓運推移日南長至啟東朝而受賀爰舉旧
章詣北闕以稱觴率先郡后伏惟皇太子殿下日躋
盛德天縱多才忠孝克奉於君親諫讓動詢於師友寢
門侍膳誕彰至之勤望苑禮賢永作萬邦之本應時
納祐與國同休其叨列通班爰當亞歲允任抃蹈

謝除右拾遺直史館啟

右某啟蒙恩特授前件官充職者位列諫垣職兼史氏
听已行之命推迹非據之言祇荷寵榮不任感惧恭以
獻箴規於諫署必待正人彰蓋惡於史書宜歸直筆矧

經鉏堂校錄

芥庸賤迹有忝某伏念某門第本寒才華不秀鄉庠里
塾從師而純識姓名函地書空力學而稍通經史明代
方求於翹楚高堂漸逼於垂榆因持盪吹之竽來示藏
家之篋雖春官與進荐叨隗始之名而明主求人果失
盧前望然而紫庭擢第白屋知榮衡茆惹丹桂之香布
素曳出藍包之色問里改觀親族生光洎邑佐絃歌任
移銅墨廷評乃士官之屬不謂冗僚異事則諸侯之權
豈言下位某隨常調取歎徒勞固无易俗之能惟待黜
幽之典豈期賤吏誤達宸听把籬畔之菊花方多憔悴

近階前之莫茨頓竟光輝而又召之黃扉顯加明試深
虞孤陋有負品題序賀雪之詩固多膚淺賦履冰之什
愈見荒唐既有蹟於宸嚴詎敢期於天獎方在端憂之
際忽驚非次之恩芝函乍降於人寰棘寺驟歸於諫署
戢兼館殿地極清華通宵未息於怔忡詰旦遽諧於告
謝綠袍褫處休貽碧鶴之訊朱紱紆來但負惟鷄之刺
備忽忘而簡橫象齒耀播紳而帶飾犀文荷三澤之露
濡空驚決背對天顏之咫尺惟誓殺身夫何寒賤之人
有此遭逢之事此皆相公尼丘借俊文曲生光數仗墻

經鉏堂校錄

邊暗展鑄顏之力如椽笔下潛施與點之恩遂令清切
之資光被孤平之士亦抗泮泮為事遽邀列地之封鷄
鷄呈災誤享鈞天之樂願藝行之无取荷生成之有歸
所不慎守當官恪供其職况无遺之可捨幸有瑞而必
書編修綽之言垂於信史撰著得賢之頌播在樂章少
施染削之勞上荅愛知之地過此已往未知所裁

謝除左司諫知制誥啟

右某啟蒙恩特授前件官充職者位近中諫職列西樞
祇荷寵光不任感懼竊以伏青蒲而獻可合求補衮之

才吟江藥以搞詞尤重演綸之地豈期庸賤玷此清華
伏念某才非秀民世本寒族遭會文明之運濫有仕進
之流忝常調以起家永甘縣吏冥周行而通籍俄在諫
垣加以叨館殿之清資預校仇之美暇以日整月方期
讀天下之書自迹陟選不意賞禁中之誥載循所自必
有攸歸此皆相公文曲分光才江借潤遂使自天之命
詎求批鳳之才列地而封友及不龜之手得不更精文
翰上荅品題恪事一人少贖素飡之咎虔遵四禁用酬
黃閣之知過此以還未知所措卑情不任感恩榮悞終

經鉅堂校錄

始知歸之至

謝除礼部員外郎知制誥啟

右某啟蒙特授前件官充職者以錦握蘭忝名曹之子
南省倉香視草復叨職於西垣祇荷寵光不任感悞伏
念某性惟拙直族本軍平幸逢天下之文明遂擬御前
之及第雍熙中自百里被召拾遺立狀伏蒲昧五諫之
名汗簡乏三長之譽方虞官謗遽掌綸言書堯舜之典
謨文非逮意厠淵雲之侍從路寔妨賢端田園而蓋恋
盛時踐臺閣而頗為非據迹後以執法充狀蒙恩黜官

入六里之穹山得貳車之散秩去歲量移善地甄叙通
班貼文館以仇書奉皇華而按獄屬以高堂垂老懸磬
屢空懇求郡國之權以就庭闈之養既宣元食故拜官
而不辭毛義有義方捧檄而私喜未違布政忽忝歸朝
十五日之專城焉知民瘼一千年之昌運荐辱君恩歷
數前賢鮮茲盛事昔憲宗覽表移朝愈於潮陽文帝經
年召賈生於湘浦比期遭遇可謂殊尤况帳爛錦窠塔
反葯樹爰循故事况此兼榮遠則和魯公已歷儀曹退
居主客近則趙給事拜從起部改授小禮是荷繼王兵

經鉏堂校錄

部之清塵奉太祖朝之近例更直紫微之署已奄忝塵
絕曹玉筍之班併居清切感極而空成涕泗寵競而如
在夢魂青瑣窓開再見壺中之日月朱衣吏引犹疑澤
畔之形容謬思雖自於聖知公議終騰於衆口此蓋相
公洪鈞造物青律迴春用材而木屑无遺念旧而耆簪
靡弃遂使蒼苔入詠復預於詞臣死灰再燃尤慚於獄
吏敢不慎修儒行演暢皇猷庶憑翰墨之功少答陶鎔
之力卑情

謝除翰林學士啟

右某啟伏奉制命特授守本官知制誥召入翰林充學士者祇荷寵光不任感懼伏以漢朝故事待詔甘泉之宮唐室旧儀召對浴堂之殿自非枚馬淵雲之述作常楊元白之才名則何以塞請問於論思潤皇猶於典誥豈宜孤陋遽此忝塵休念某植學非深屬文无取濫中懸科之選尋叨通籍之班諫署拾遺謇諤先禪於聖旨承明三入清華憲類於昔賢頃因坐事以左迂固亦息心於榮路洎得歸朝之命遂求典郡之官去年召自琴臺再陞綸閣驟荷一人之寵過累惟三歲之凶喪雖勉

經鉏堂校錄

就於奪情實重違於素志願潘安之毛髮已有雪霜念季路之旨甘不如藜藿臨文翰而方寸亂矣對縉紳而面目何為想石祁子之執喪空慚至行比歐通之起復尚久礼文止期卜兆於松楸再請劾官於符竹豈意未諧私願俄辱殊恩翻令朽退之材亦預深嚴之地綸官乍降俾離紅藥之階宸翰高懸已踐玉堂之署哀榮交集寵辱堪驚副重華好問之心先憂學寡州武帝求賢之詔更愧才難通宵未息於戰兢奔步犹疑於魂夢此皆相公洪鈞造物青律迴春徵賈詎於謫官終成前席

荐相如之視州幸得同時敢不四禁是遵三緘為誠况
艱難備歷齒髮始衰用直道以事君雖无改变肆剛腸
而疾惡漸亦銷磨庶寡悔尤少酬知己下情无任感戴
統崇始終知端之至

謝除刑部郎中知制誥啟

臣某啟伏蒙聖恩特授前件職者一麾出守左迂方類
於阮咸三入承明寓直忽同於應璩祗膺寵命伏積兢
榮窃念某猥以腐儒受知先帝踐揚兩制出處九年自
知賦命之多奇每悔浮名之過寔軍容捧硯敢望於輝

經鉏堂校錄

崇力士株執逃騰於謗議而自臨民除上移任淮南飾
厨傳以屢空勾簿書而弗逮受釐宣室重求前席之期
燒為鼎湖忽起板髯之恋心灰自死潤血无從属当明
王之承軌尚代藩臣而守土尋以拜章言事解印歸京
觀七月之園陵祝銷弓劍隨百官而朝謁目斷雲天放
懷書史之間結舌措紳之內皂囊无耻慚越戰於伏蒲
白首為郎甘息心於執戟雖知止是犹阻婦休欲耕季
子之田園曾无二頃謀葬劉鍾之親属何啻十喪終為
懷祿之人盖逼有身之患豈謂内庭論荐黄閭僉諧迴

天眷之新恩復王言之旧任堦前葉樹重吟射客之詩
觀裡桃花光動劉郎之詠此皆其官激揚公議啟迎宸
聰洪鈞豈有於弃材托笔潛徵於故事謂李杓直翰林
退職復踐掖墀白居易某罷出官終知制誥李茲殊事
寔越昔賢驅瓜上之青蠅雖非由徑之夢中之白鳳深
愧演綸敢不考三代兩漢之典章取貞元長慶之風格
或少窺於邊徽庶上荅於陶鎔卑情无任感荷德激切
知歸之至

上宰相謝免判吏部南曹啟

經鉏堂校錄

右某啟奉今日日敕差判吏部南曹尋蒙抽取元敕者
伏以寅綸西掖乃王者之詞臣按吏南曹本天官之下
士遽蒙改易深荷陶鎔伏念某比乏時才滋塵清列蒼
苔紅葯但遵四禁之文理劇刺繁文絕五花之判便于
散拙樂在清閑忽違遣差頗增憂畏固非耻于卑踐盖
亦事有彛倫且念判曹之名起于總章之後罷員外轉
所之事為尚書役屬之司勾群吏之稽違奉三銓之指
顧顯為統攝自有礼容豈可職銜帶制誥之公文狀且
尊卑之數雖知不便未敢固辞豈謂相公曲為敷揚俾

停寢全臺閣之故事寔亦公行荷廊廟之殊知且非私
謁永言感遇空極兢榮

迴寇密直謝官啟

右某啟伏以應星辰而虞山澤華省名即直宥密而預
机宜黃樞重職兼茲重柄允屬鉅賢學士學植凌雲詞
源沃日澤宮中的科名先繼於箕裘諫罷曳裾章疏獨
推於謇諤縱橫時輝映士林佐取計司解九牛而兩穎
直言便殿折五鹿以詞雄故得峻陟中台榮升密地称
天心之則哲動時論於得人而又南面听朝特頒金紫

經鉏堂校錄

東銓求理專委品題佇從三接之榮便叙九功之業某
幸叨知獎方切依棲自草芝泥最先柏悅豈謂學士曲
迴謙柄俯賜華綬目窺星斗之文章身負荆芒之休暢
欽隆感戴藁集所懷卑情不任

謝僕射相公求致仕啟

右某啟伏以懸車告老夫七十之期名遂退身老氏
五千之說其或當尚荀尊賢之代有經邦鎮俗之才雖
在期頤式存綺注縱止足之心自許執礼先違奈弼諧
之任惟艱非賢不尺伏惟僕射相公受天和氣為國善

人之朝文翰之司丹青帝典再領變調之任提振皇綱
 昨以久處台司重煩耆德事均勞逸較万務之憂勤位
 保崇高為百僚之師長未言端揆之任旧称廊廟之官
 垂行三入之恩求贊千年之運豈謂將雲富貴脫履簪
 裾拜章既達於冕旒洒翰偏流於台閣是何未品亦辱
 台函初為誤傳終知殊賜兢惶先措拜受失容見大儒
 之用心犹先聖之彛訓不独辞於世祿亦將激彼時風
 然而上推宸心旁徇公議咸謂老誠之德宜居輔弼之
 先捕虎逐麋雖驚熊之已暮為霖作礪非傳說以何歸

經鉏堂校錄

况鍾洪範之康寧宜念蒼生穹因佇觀白麻天降促迫
 振驚之班黃閣洞開重見棲雞之樹社稷之謀是展君
 臣之分弥隆与邦國以同休書簡編而增耀斯為善頌
 且匪虛譚下情无任

迴司空相公謝官啟

右某啟伏以引年納祿達人知進退之宜養老優賢王
 者得始終之道君臣之義今古同風伏惟司空相公受
 天至和為國重器皇坡帝典成端潤色之功禹畫堯封
 蓋被陶鎔之力位崇百揆年俯七旬宸心方倚於老成

達識遽辭於榮祿聖上遂其願養峻以階資鳳凰之地
暫虛於旧位鳴鳩之秩耶示於新思解簪紱以如遺指
林泉而自樂功名遂早知身退之機漏盡鍾鳴堪笑
夜行之士然而四海有具瞻之任三公非致政之官激
浮躋之官式旌素節委弼諧之任終復黃扉凡在搢紳
皆頌禱頌猥蒙鈞造先賜台函仰欽止足之規弥荷謙
尊之德平情允任

迴孫可謝秘書丞直史館京西轉運副使啟
右某言伏以列中秘圖書之府貳外司漕運之權惟是

經鉏堂校錄

才難允歸公議學士文同三代名冠四科擅場早達於
天聰独行不隨於時態輕留侯之雜霸浪取帝師慕孟
子之著書力設王道暫伴坐棠之政尋升汗簡之資閨
籍通班式耀獲麟之笔轉輸劇務更觀流馬之功方切
欣怡忽承緘翰備認謙冲之旨除增銘荷之誠衣錦畫
行雖勞於按部演綸夜直願効於前驅謹奉啟云云

荐戚綸上翰林學士錢若水啟

右某啟某有進士同年戚綸者負文章器識純謹君子
也其先君通五經教授於濉陽終身不求聞達凡維國

初登進士上第有文有行守道不渝游官三十余年今
為殿中丞綸擢第亦一紀矣歷主簿縣尹得大理評事
光祿寺司權酷干樵郡非其樂也向日獄獄宛兵坐繫
烏府廷尉議罪所以贖論既釋之矣或以前罰未塞又
奪其官今會赦又合從叙用寓此佛寺出死車馬冒犯
風雪袖文相過有理道評十二篇味之非空言也然而
辞直意切急于救時若死知亦恐騰口以為失路而
造謗也尊道之士其將捨諸恭惟學士才与位併道与
時會力開賢路之梗手築聖域之基播紳顯之有所仰

賴某罪在擯弃思出推挽未能報德尚復言人盖非學
士之門不敢失綸之言賈綸之毀也語曰盖人在患飯
不及殮區之之落寔愧斯義謹修啟事并封綸所英凡
若干凡閣視艸之暇略賜賢觀肘綸也幸甚謹啟

迴黃裳啟


右某啟伏以諫垣清秩綴螭頭侍從之班史氏設官修
麟笔不刊之思享此清切允屬英翹正言學士學富百
家文穹三变桂藉先鳴而松蒼柏墨持憲以生風逆者
金闕獻書召試王褒之頌石渠載筆更伸班固之才凡


在立朝共欣得雋猥蒙殊念特長牋載窺炳彪之文
益認謙冲之音欽隆佩服併集所懷謹修啟事陳謝

王黃州小畜集卷第二十五


王黃州小畜集卷第二十五

經鉏堂校錄





王世貞小畜集卷第二十五



經學堂校錄

在元朝其欲濟舟長...
五經之中...
長...
故事...
之...

